

Donostian, 2018ko maiatzaren 18an

UDALBATZAKO IDAZKARI NAGUSIARI

ULIA MENDIA KUDEATZEARI BURUZKO KONTROL MOZIOA

Irabazi Donostia taldeko zinegotzi naizen Loïc Alejandrok, Udalbatzaren Araudi Organikoaren 98. artikulua oinarri, KONTROL MOZIO hau egiten dut, Gune Publikoen Batzordean (Obrak Eta Hiri Zerbitzuak) Ulia Kudeatzeko Planaz egindako interpelazioaren ondorioz.

JUSTIFIKAZIOA

1902. urtean sortu zen Ulia parkea, turistak erakartzeko beste baliabide baten modura. Trenbide elektriko bat, aisialdirako egon zen lehena, paisaia ikusgarri batetik igotzen zen gailurreko begiralekuraino. 2010. urtean, Ulia parkea definitu zuen Hiri Antolamenduko Plan Orokorrak, eta plan berezi bat onartzearen zain gelditu zen hura zehaztea. Alorra babestea da helburua, esparrua hainbat antolamendu mailatan banatu eta bakoitzean onargarri, bateragarri eta debeku diren erabilerak araututa.

Gizarte aurrerapenen arrazoizko hurrenkeraren arabera, 2014an, uztailaren 23ko 423/2014 Foru Agindua onartu zuen Gipuzkoako Foru Aldundiak, Donostiako eta Pasaiaiko udalerrietako alde batzuetan ehizarako segurtasun esparrutzat jotzeko, hala, Ulia parke osoan debeku direlarik jarduera zinegetiko guztiak.

Halere, 2017ko azaroan, Auzitegi Gorenak alde indargabetu du aipatu foru araua, Donostiako eta Pasaiaiko udalek ezarritako eta hainbat gizarte, auzo eta kirol erakundek eskaturiko babesaren kontraesanean, zabalik utzi duela Ulia parkean su armak erabiltzen jarraitzeko aukera, atera pauso galanta eginda.

Uliako parkeko lasaitasun, paisaia, flora, fauna, kostaldea eta abar urte osoan gozatzeko eskubidea dute Donostiako eta Oarsoaldeko herritarrek, segurtasunik handienez. Ulian badira etxebizitzak, ikastetxeak, bideak eta zidorrak eta abar..., familientzat, ikasle taldeentzat eta hainbat kirolarientzako gozamen aldea izateaz gain, mendi ibilietan, mendi lasterketetan, mendi bizikletan eta abarrean aritzen baitira. Uliako kostalde osoa babestuta du Europako Batzordeak 2004tik, Natura 2000 Sarearen bidez, eta Babes Berezikoko Eremu izendatu zuten 2013an.

Uliatik hainbat mendi bide eta hiri inguruko ibilbide igarotzen dira, urte osoan oso erabiliak: Donejakue Bidea, Talaia bidexka, kostaldeko ibilbidea eta abar. Gainera, Interpretazio Gune bat eta bi jatetxe daude. Izan ere, Gipuzkoako Foru Aldundiak 2017an jasotako datuen arabera, Uliako Talaia bidetik, soilik, 110.418 lagun igaro ziren, hau da, egunean, batez beste, 303 pertsona. Kopuru horrek argiro erakusten du herritarrei mendi hori interesatzen zaiela, eta beharrezkoa dela hartatik erabateko segurtasunez ibili ahal izatea bermatzea.

Orain, Donostiako eta Pasaiaiko udalak Uliako Bateragarri egiteko Plana bultzatzen eta idazten ari dira, bi udalerriek elkar hartuta definitzeko parkean zilegi eta debeku diren erabilerak.

Bateragarritasun plan hori izapidetzeak luze joko duenez, Uliako mendiko erabilerak eta kudeaketa berehala antolatu ahal izateko, Kudeaketa Plan bat egiten ari da (Mendizorrotzerako bezala), arinago egiten eta izapidetzen baita halako bat. Batzordean Gobernuak azaldu bezala, haien ustez hilabete amaierarako egongo da prest; jendaurrean ikusgai jarriko dute, herritarrek ekarpenak egin ahal izateko (baina ez zuten jendaurreko erakustaldiko datarik aipatu), eta ez dago Bateragarritasun Planaren bestelako berririk.

Mozio honek jasota ditu *Uliako denontzako parke seguru bat* manifestuaren testua eta proposamenak, gizarteko 25 erakundek (auzo elkarte, ikastetxe, kirol elkarte, mendizale elkarte, talde ekologista...) sinatu baitute.

KONTROL MOZIOA

1. Hertsatuki eskatzen dio Donostiako Udalbatzak udal Gobernuari jendaurrean erakusteko, ahalik eta arinen, Ulia mendia Kudeatzeko Plana.
1. Hertsatuki eskatzen dio Donostiako Udalbatzak udal Gobernuari ahalik eta azkarren onartzeko Ulia parkea Bateragarri egiteko Plana.
2. Hertsatuki eskatzen dio Donostiako Udalbatzak udal Gobernuari Bateragarritasun Planak argiro adieraztea edo islatzea eremu hori hiri inguruko parke izatea, hango erabilerak bideratuta herritarrek natura inguru hori modu baketsuan gozatzera.
3. Hertsatuki eskatzen dio Donostiako Udalbatzak udal Gobernuari erabaki hau jakinarazteko Pasaiako Udalari eta Gipuzkoako Foru Aldundiari.



Sinatuta: Loïc Alejandro,
Irabazi Donostia udal taldeko zinegotzia.